

經方應用



經方應用

泰州武國良簡侯編纂

茯苓湯類

吐瀉渴欲飲水金匱主用

茯苓澤瀉湯醫心方名茯苓湯

茯苓 一四五 澤瀉 七〇 甘草 桂枝 各三五

朮 五五 生姜 七〇

右剉細以水三合煎一合去滓一日分三回或數回溫或冷服

証狀表現 原文胃反吐而渴欲飲水者茯苓

澤瀉湯主之

補充 當有心下悸上冲小便不利腹部或有

脹滿之感

立方意義 本方証由胃中停水脾陽不能健

運以致心下有悸狀茲用桂枝生姜刺激胃分泌而
盛旺其運動（採用閻德潤氏說）則寒散衝降嘔吐可
止茯苓能鎮定心悸亢進白朮能增強腸胃蠕動力
皆有加強腎臟分泌機能亢進之作用澤瀉既利尿
又能健胃甘草和胃生津胃健脾舒水氣自不得停
留腎分泌機能亢進水從小便而去水道既通行無

阻脾胃又復健旺則嘔渴皆止腹部有何脹滿之感
哉再本方原由五苓散加減而成內包含桂枝甘草
湯苓桂朮甘湯茯苓甘草湯澤瀉湯實為和陽治水
之要劑

治療標的 以上衝嘔吐而渴心下悸小便不
利為主標的腹脹滿或痛為副標的而用之

諸家經驗談 成績錄藤田謙造氏曰寡婦王
川豐者年三十許自冬初患腹滿漸膨大經水不通
至冬季加以腹痛乍休乍作困苦殆極乞治同藩師
山奇省庵其証腹部緊滿脈數舌上有白苔而腹中

如癥瘕者出沒甚頻或乍橫梗如臂或乍磊砢如塊
 上下往來時出時沒出則痛作沒則痛止似大七氣
 湯証又常腹中雷鳴痛作則歇痛止又必雷鳴其聲
 如傾水口乾燥頗甚二便秘極又似於已椒蘆黃丸
 証但出沒痛苦心下最甚頻渴引飲不論溫冷飲已
 則必愠愠欲吐前醫用氣劑則渴益甚用硝黃則痛
 增劇服驅蛔藥無效亦無害省庵診之謂宜先治心
 下之水飲因與茯苓澤瀉湯四五日痛減渴緩滿稍
 寬又連進十五六日小便通利病勢減十之七八惟
 小腹依然脹滿一夜忽暴瀉如傾翌朝又瀉如前兩

次約下水四五升滿氣頓失如忘未幾經水亦通利
爾後強健如前亦奇驗也

續建殊錄 一禪師平日飲食停滯胸腹有動

悸雷鳴嘔吐而腹中痛志氣鬱鬱不樂一醫與附子
粳米湯及半夏瀉心湯不愈一日嘔吐甚絕谷累日
而病益加服小半夏湯小半夏加茯苓湯益增疲勞
煩悶欲死予投茯苓澤瀉湯而嘔吐止翌日啜糜粥
不過十日而諸証全愈

諸家緒論 聖濟於本方去生姜加乾姜名茯苓

苓飲又用生姜加黃連大黃小麥亦名茯苓飲

外台 引集驗茯苓小澤瀉湯（即於此方去朮
姜入半夏共五味）治反胃吐而渴者

按 外台消渴方中引千金治消渴陰脈絕胃
反吐食用此方有小麥一味以水一斗先煮取五升
去滓內茯苓等煮取二升半蓋以小麥味甘有止煩
渴補心氣利小便之功能心鏡方治消渴心煩單用
甘草一味作飯及粥食可為用此方者之參攷

憑証使用 胃擴張胃筋弛緩慢性胃加答兒
停飲發渴心下痛等証均可運用（皇漢醫學要訣）

以下茯苓澤瀉湯變方

桂枝甘草湯証而心下悸上衝嘔逆者去朮加生姜
傷寒論名

茯苓甘草湯

茯苓一四五桂枝九五生姜一四五甘草五。

以水二合煎成一合去滓一日分三回或數回
溫或冷服

証狀表現 原文傷寒汗出而渴者五苓散主
之不渴者茯苓甘草湯主之

補充 有上衝嘔吐指冷及微有寒熱之証

三方意義 水氣凌心則悸上逆則嘔內熱微

則汗出不渴陽氣微則手足不溫水與熱不相得則有微寒微熱現象茲用生姜之辛熱以散寒水而止嘔桂枝之辛熱以通陽氣而降衝加入茯苓之甘平以益心脾而利尿甘草之甘平以利氣血而緩急互相協作至胃陽健旺寒水潰退則尿利厥回而解

治療標的 以心下悸小便不利上衝而嘔為主標的指冷寒熱等為副標的而用之

諸家經驗談 虛實辨疑水停心下而悸者茯苓甘草湯加芫花主之

方輿輓 心下悸概屬癰與飲以此方加龍骨

牡蠣絕妙又有效不寐者本方亦屬奏奇效

憑証使用 癰証神經性心臟病等之由於水

飲凌心者

胸中有停痰宿水不食食金匱附外台方用

茯苓飲

茯苓 人參 朮各七。 枳實五。 橘皮六。

生薑 九五

右剉細以水三合煎一合去滓一日分三回溫

或冷服

求真云 加用半夏七。以上是本方與小半

夏湯合方之意有妙效

証狀表現 原文外台茯苓飲治心胸中有停

痰宿水自吐出水後心胸間虛氣滿不能食消痰飲
令能食

補充 當有心下痞硬腹部膨滿心下悸小便
不利等証

立方意義 本方証由心脾胃機能均為停痰
宿水所困不能振奮須用強心健胃益脾理氣祛痰
行水之品故用人參白朮振奮心脾機能而利尿茯
苓入心通腎而行水橘皮理氣化痰而健胃枳實消

脹除痰而化滯生薑散寒開痰而止嘔（包含橘皮枳實生薑湯）相需相使合盡其能自然痰消氣行尿利悸平痞除滿去而自能食矣

治療標的 以痰飲胸滿吐水不食心悸痞硬為主標的腹膨滿小便不利為副標的而用之

諸家經驗談 達殊錄田大夫其父甲州君年已九十餘患傷寒心胸煩熱譫語妄言小便不利食不進者凡六日召先生診之心胸煩滿四肢微腫作茯苓飲使飲之吐出水數升而愈

成績錄 一婦人患胃反九年醫治無效先生

診之心下攣結吐而不渴食觸於口即不爽快心胸
間有痰飲也即與茯苓飲服數日而愈

類聚方廣義 治老人常苦痰飲心下痞滿飲
食不消易下利者又治小兒乳食不化吐下不止及
百日欬心下痞滿欬逆甚者均加半夏有特效

方技雜錄 會津屋某之婦患疝積留飲痛三
四年發則痛苦欲死醫治無效飲食漸減精力衰弱
僅不死耳有美國名醫來橫濱乘轎乞診美醫用種
種器械診察鼻耳胸腹各部病人及婢僕咸以為日
醫不及也診畢云此証不治不與藥乞治於予診之

羸瘦無血色心下痞硬脊痛無度時吐水飲食物不
進夜不安眠故晝鬱鬱疲憊惡人面部及四肢脫肉
中現微腫脈雖沈弱想不必死之証因於茯苓飲中
加半夏每夜用消塊丸八分一日許痞硬吐水消減
胃納稍佳轉與當歸四逆加吳茱萸生姜湯兼用消
塊丸一錢又一月餘諸患去飲食如常

中國內科醫鑑 腳氣衝心之漸迫者用茯苓
飲合吳茱萸湯有奇驗

諸家緒論 漢方新解和田先生於胆石病以
本方加半夏兼用承氣丸（大黃芒硝二味和丸）而得

根治據余之所見兼用方應用下瘀血丸較為適合
胆囊炎嘔吐吃逆者亦用前同方為佳

皇漢醫學要訣 此方亦可隨証加半夏石膏
等用之

外台 治心頭結氣連胸背痛及吐酸水日夜
不止於本方去人參枳實加厚朴下利加檳榔名茯
苓湯

憑証使用慢性胃炎胃擴張胃酸過多胃弛緩
衝心型脚氣漸迫者及胆石胆囊炎症之宜配兼用
方者

內飲欬嗽嘔逆胸滿金匱用

苓甘五味姜辛湯

茯苓

甘草

細辛

乾姜各三五

五味子八五

右藥剉細以水三合煎一合去滓一日分三回

溫服

証狀表現

原文衝氣即低而反更咳胸滿者

用苓桂五味甘草湯去桂加乾姜細辛以治其咳滿

補充

服前方（指苓桂五味甘草湯見桂枝湯

類之桂枝甘草湯屬方）後上衝雖降低而反更咳胸

滿者則用本方治之

立方意義 前方已治其支飲上衝之証今衝氣已低而痰飲復逆入肺反更咳而兼胸滿則須去桂枝而加入細辛乾姜以溫肺化飲燥濕祛痰同以茯苓甘草培土行水養陰生津五味子鎮欬祛痰生津潤肺合用以溫中行水培土斂金滋養津液而除欬滿有良效也

治療標的

以欬嗽胸滿為主標的而用之

憑証使用

喘息慢性氣管支炎及感冒性支

氣管炎胃弱上氣欲嘔等証(參引葉氏臨床實用方

劑)

